



EXAMINATION NO.: _____
THE MALAWI NATIONAL EXAMINATIONS BOARD
2024 MALAWI SCHOOL CERTIFICATE OF EDUCATION EXAMINATION

CHICHEWA

Tuesday, 16 July

Subject Number: M032/II

Time Allowed: 2 hours

1:00 - 3:00 pm

PAPER II (Malikisi 90)

Malangizo:

1. Onetsetsani kuti pepala ili lili ndi masamba osindikizidwa khumi ndi awiri.
2. Pepalali lili ndi magawo anayi: A, B, C ndi D.
3. Lembani nambala yanu yamayeso pamwamba pa tsamba lililonse la pepalali.
4. Muchitebulo chili pambalichi, onetsani funso lililonse lomwe mwayankha pochonga mubokosi lomwe lili kutsogolo kwake.
5. Perekani pepalali kwa oyang'anira mayeso nthawi ikakwana.

Funso	Chongani funso ngati mwayankha	Muno musalembemo	
1			
2			
3			
4			
5			
6			
7			
Total			



Gawo A (Malikisi 40)

Malamulo a Chiyankhulo.

Langizo: Yankhani mafunso onse m'gawo ili pa mizere ili pansi pa funso lililonse.

1. a. Lembani mitundu ya agwirizanitsi omwe atsekedwa mzere kungsi kwawo m'ziganizo zotsatirazi.
- (i) Chimunthuchi ndi chosamva.
_____ (Malikisi 1)
- (ii) Nkhuku yoyera yatengedwa.
_____ (Malikisi 1)
- (iii) Dziko lino ndi lokongola.
_____ (Malikisi 1)
- (iv) Ife timalima mtedza.
_____ (Malikisi 1)
- (v) Galu wanu wapha nkhuku yathu.
_____ (Malikisi 1)
- b. Tchulani mtundu wa kanenedwe ka aneni omwe atsekedwa mzere kungsi kwawo m'ziganizo zotsatirazi.
- (i) Chinsinsi adaseka nditagwa.
_____ (Malikisi 1)
- (ii) Tasunthani tikhale nawo pamphasapa.
_____ (Malikisi 1)
- (iii) Muyende bwino nonse.
_____ (Malikisi 1)
- (iv) Bwerani kuno msanga.
_____ (Malikisi 1)
- (v) Mundipatseko madzi akumwa.
_____ (Malikisi 1)



2. a. Perekani ntchito zomwe “li” yemwe watsekedwa mzere kungsi kwake akugwira m’ziganizo zotsatirazi.

(i) Chifundo ali ndi mtima wothandiza ana.

_____ (Malikisi 1)

(ii) Dzunguli mwaliphika bwino.

_____ (Malikisi 1)

(iii) Bulukuli ndi langa.

_____ (Malikisi 1)

(iv) Njokayo yalowa dzenje liti?

_____ (Malikisi 1)

b. Pangani ziganizo zomveka bwino pofuna kusonyeza mitundu ya aneni yotsatirayi ndipo mutseke mzere kungsi kwa aneniwo.

(i) mneni woyambukira

_____ (Malikisi 2)

(ii) mneni wodalira

_____ (Malikisi 2)

(iii) mneni wothandizira

_____ (Malikisi 2)



Mafunso akupitirira/...

3. Sinthani ziganizo zotsatirazi kuti zikhale mu zoyankhula mwini.

(i) Iye adati dzina lake ndi Yankho.

(Malikisi 2)

(ii) Aphunzitsi adalamula Mavuto kuti akhale chete.

(Malikisi 2)

(iii) Chiyanjano adafunsa Mwayiwe ngati amamukondadi.

(Malikisi 2)

(iv) Atate adandiuza kuti ndidzabwere tsiku lotsatiralo.

(Malikisi 2)

(v) Talandira adafunsa anawo ngati apite nawo.

(Malikisi 2)

4. Fotokozani momwe aonjezi otsatirawa adapangidwira.

(i) mokhumudwa

(Malikisi 2)

(ii) mwaulemu

(Malikisi 2)

(iii) pakale

(Malikisi 2)



Mafunso akupitirira/...

4. (Continued)

(iv) kwakufupi _____
_____ (Malikisi 2)

(v) mosekaseka _____
_____ (Malikisi 2)

Gawo B (Malikisi 20)

Kumvetsa Nkhani ndi Kusanthula Chiyankhulo

5. Werengani nkhani ili m'munsiyi mosamala ndipo muyankhe mafunso otsatirawo pa mizere ili panso pa funso lililonse.

UDINDO WA MAKOLO

Gobola adali mnyamata wophunzira ndithu monga abale ake onse. Iye adamaliza maphunziro akusekondale ndipo adakhozanso mayeso aboma a Fomu 4. Banja la a Gazani lidakondwa kwambiri poona kuti ana onse a m'banjamo adakwanitsa kutsiriza maphunziro akusekondale tsopano. Ena mwa anawo adali ku kukoleji kupitiriza maphunziro awo.

Mudzi wonse wa Kanthun'khama udasirira a Gazani ndi banja lawo. Anthu ambiri m'mudzimo adali ndi mafunso: Kodi a Gazani amalera bwanji ana awo? Kodi amachita kutani kuti ana awo azifika pomaliza maphunziro awo akusekondale? Nanga zimatheka bwanji kuti ana onse azioloka bwinobwino mitsinje yonse ya mayeso? Kapena a Gazani ali ndi kamtengo komwe amagwiritsa ntchito pa ana awo?

Ena olimba mtima adafunsa a Gazani pamaso m'pamaso posafuna kuchita zinthu mopapasira. A Gazani mofatsa ndi motsindika adawafotokozera tsinde la zonse. Iwo adati pozindikira kuti mmera mpoyamba, amalangiza ana awo kuyambira ali

5. (Continued)

aang'ono. Amawauza za kufunika komvera makolo ndi kulimbikira pa zonse. Iwo adatsindikanso kuti salera ana awo ngati mazira. Amawalanga akasemphetsa chizimba cha chikhalidwe cha m'banja mwawomo.

Pomva kuyankha kwa a Gazani, ambiri adali kutsutsidwa mu mtima pozindikira kuti iwo adali kuyeyeka ana awo. Adali kumangowalekerera akamachita zofuna zawo ndipo mapeto ake ambiri adali kutulukira pa zenera kusukulu. Akatero adali kumangochita zungulizunguli m'mudzimo. Zotsatira zake ambiri adayamba kutolatola m'makomo kuti azipeza logulira bibida. Ena adaonjezeraponso kukhwewa fodya wamkulu.

Chokhumudwitsa chidali chakuti Gobola ngakhale adali m'banja la makhalidwe abwino, ankasirira zochita za anzake ena m'mudzimo. Anzake ena omwe ankacheza nawo adali otolatola komanso okonda kusuta fodya wamkulu ndi kumwa mowa, makamaka wakachasu. Mosakhalitsa, poti mbalame zofanana nthenga zimamwa pa chigoba chimodzi, Gobola adayamba kumwa ndi kusuta limodzi ndi anzake aja. Adayambanso kusowetsa tina n'tina m'nyumba mwa makolo ake. Khalidweli lidazikirira ndithu pa nthawi ya tchuthi chachitali chomwe adali nacho pambuyo pa kulemba mayeso otsiriza a maphunziro akusekondale kotero kuti iye adayamba kuolokera m'nyumba za eni.

Tsiku lina Gobola adasowa khobidi loti akagulire perese. Anzake adali kumuthera mawu kuti adatopa kumangomumwetsa iye osawagulirako. Atadya mutu kwa kanthawi, Gobola adaona kuti adayeneradi kuchitapo kanthu kuti akasangalatse anzakewo. Motero adakalowa m'nyumba mwa Mayi Namagetsi napikula kachibinyira ka mgaiwa komwe kadali pathala. Adatuluka m'nyumbamo mwachangu cha mphenzi nalunjika kugowero lake ndipo adapakoti ufawo kuti akasinthitse ndi kachasu



Mafunso akupitirira/...

5. (Continued)

kunyumba kwa Mayi Namaye. Kachibinyira kaja adakabisa pangodya ina m'goweromo navindikirapo ndi zovala zake zakuda.

Phwando la perese lili m'kati, anzake adamuchemerera kuti pa tsikuli Gobola adali mpulumutsi wawo. Malikhweru adali pokopoko pakhonde pomwe adakhala anyamatawo. Poti kumbuyo kulibe maso, Gobola sadadziwe kuti kulinji ali m'njira. Ndi zoonadi kuti kambuzi kakakondwa amalonda amakhala ali pafupi. Gobola adangozindikira ali mu nyakula akukankhidwa ndi mkulu wagulu la inkata. "Ndalakwanji kodi? Masuleni mukundipweteka," Gobola adadandaula m'chimowamowa koma palibe adamuyankha.

Namagetsi ndiye adakagwada kwa ainkata. Atabwerako kuchitsime komwe adaapita kukatunga madzi woti aterekere kadaundamadzi, mayiyu adazindikira kuti kathumba ka ufa katoledwa. Mwanzeru zake, adaunguzaunguza kuti apeze momwe zidachitikira. Inde, ndipsiyo siidavutike kulowa m'nyumbamo poti mudali mosakhoma. Mwamwayi, m'nyumbamo mudali makoswe amnanu omwe adaboola kathumba ka ufa kaja. Motero, Namagetsi adangolondola mkwaso wa ufawo mpaka udamulondolera kumphala ya Gobola.

Pamene Gobola adazindikira momwe anthuwo adamugwirira kuti ndiye adaba ufawo, adangoti kakasi. Sakadathanso kubisala pachipande. Mkulu wa gulu la inkata uja adamangirira Gobola pamtengo nalamula kuti amumasula akapereka ufa wodzadza thumba kapena ndalama yofanana ndi mlingo wa ufawo. Apo ayi, apita naye kupolisi kuti akamuponye m'chitokosi.

Mosweka mtima, Bambo Gazani adali wemphawempha kuyesa kupeza thandizo loti aombolere mwana wawoyo. Chaka chimenecho sadakolole bwino kotero kuti nawonso ankasaukira chakudya. Inde, adali wokwiya ndi zomwe adachita



Mafunso akupitirira/...

5. (Continued)

mnyamatayo koma poti chitsiru chili ndi mwini, adayenera kumuombolabe. Munthu wina adawakongoza ndalama zokwana makwacha zikwi makumi atatu ndi theka.

Atamuombola ku mlanduwo, Gobola adapepesa makolo ake ndi banja lonse chifukwa chowanyazitsa m'mudzimo. Iye adalonjeza kuti sadzatsanziranso zochita za anzake. Adalonjezanso kutsatira chiphunzitso cha makolo ake nthawi zonse. Banja lonse lidamukhululukira pozindikira kuti mnyamatayu adangoterereka chabe ndipo onse adakhala okondwa ngati kale.

Mafunso

- a. (i) Kodi Gobola adali mwana wayani?

_____ (Malikisi 1)

- (ii) Kwawo kwa Gobola kudali kuti?

_____ (Malikisi 1)

- (iii) Ndi maganizo oipa otani omwe anthu adali nawo pa a Gazani pa kaleredwe ka ana awo?

_____ (Malikisi 2)

- (iv) Perekani zinthu **ziwiri** zomwe zinkathandiza kuti ana a Gazani azichita bwino pa maphunziro awo.

_____ (Malikisi 2)

- (v) Ndi zinthu **ziwiri** ziti zomwe achinyamata ankachita akasiyira sukulu panjira?

_____ (Malikisi 2)



Mafunso akupitirira/...

5. a. (Continued)

(vi) N'chiyani chidachititsa kuti Gobola asinthe khalidwe lake?

(Malikisi 2)

(vii) Kodi Namagetsi adali kuti pomwe Gobola adaba ufa m'nyumba mwake?

(Malikisi 1)

(viii) Fotokozani momwe Namagetsi adadziwira kuti Gobola ndiye adaba ufawo.

(Malikisi 2)

(ix) Tsimikizani kuti Gobola adali mwana wabwino.

(Malikisi 2)

b. Kusanthula chiyankhulo

(i) Perekani tanthauzo la mawu awa:

kachibinyira _____
(Malikisi 2)

(ii) Pezani nsinjiro m'nkhaniyi zomwe matanthauzo ake ndi awa:

1. mongoganizira chabe

(Malikisi 1)

2. kuba _____
(Malikisi 1)

3. adasowa chonena _____
(Malikisi 1)



Mafunso akupitirira/...

Gawo C (Malikisi 15)**Chifupikitso**

6. **Werengani nkhani yotsatirayi mosamala. Nkhaniyi ili ndi mawu 148 ndipo muifupikitse kuti ikhale ndi mawu osachepera 50 komanso osapitirira 57.**

UDINDO WOKWEZA ULIMI WA FODYA

Udindo wokweza ulimi wa fodya si waboma lokha, ayi. Anthu onse a m'dziko ali ndi mbali yomwe ayenera kuchitapo kuti ulimi wa fodya m'madera ukwere. Alimi ayenera kuonetsetsa kuti mbande za fodya zikusamalidwa moyenera tsiku ndi tsiku. Alimi asalole kuti mbande ziziombedwa ndi dzuwa. Ngati mbande ziombedwa ndi dzuwa lambiri ndiye kuti zingathe kuonongeka zambiri pakutha panthawi.

Ulimi wa fodya ukulowa pansu masiku ano chifukwa chakuti anthu ambiri alibe chidwi ndi ulimiwu. Alimi ambiri akulephera kulimbikira ulimi wa fodya chifukwa chopewera phindu popeza mitengo yogulira fodya imakhala yotsika. Chinanso ndi chakuti boma liyenera kuthandiza alimi makamaka pankhani ya mitengo yogulitsira fodya.

China chimene alimi ayenera kukumbukira ndi chakuti 'fumbi ndiwe mwini'. Ngakhale boma litathandiza ulimi wa fodya sungapite patsogolo ngati alimi alibe chidwi ndi ulimi wa fodya. Masiku ano alimi ambiri akulima chimanga, mtedza, chinangwa ndi mbewu zina m'malo molima fodya. Mchitidwe uwu ukubwezeretsa ulimi wa fodya m'mbuyo.



Mafunso akupitirira/...

(Melikisi 15)

